

սիւնները, պիտի կործանէ Լիւզի եկեղեցին և սիւնները պիտի գործածէ մզկիթի շինութեան: Քրիստոնեաները զուրս կը հանեն պահուած սիւնները: Անոնք շատ նուրբ, բարձրադիր և գեղեցիկ էին:

Մզկիթին յատակը սալարկուած է մարմարով և բակը՝ ուրիշ քարով: Գուռները շինուած են կիպարիս փայտէ և մայրիէ. քանդակազարդ էին և ըստ երևութիւն՝ շատ գեղեցիկ (Տե՛ս Palestine under the Moslems, էջ 303-305)»:

Այս անուանի երեք պատմիչներուն Ռեմլէի նկարագրութիւնները, զոր կը հաւաստեն Տիւրացի Կիյեօմ և Մարինոս Սանուզոս՝ կը հաստատեն թէ Ռեմլէի հիմնարկութիւնը արաբական է, եւ թէ հինէն ո՛րքէ քաղաքի հետք չկար: Ուստի Ռեմլէն ոչ Արիմաթիան կրնար ըլլալ, և ոչ ալ Յովսէփ Արիմաթիացիին հայրենիքը. և այսպէս Արիմաթիացիին անուամբ, Ռեմլէի մէջ ո՛րքէ սըրբավայրի կառուցումը պատմականօրէն ճշդութեանէ զուրկ կ'ըլլար. այս պատճառով կրնանք ըսել թէ Լատինք վաւերական աւանդութեան մը վրայ յենյով չէ որ Ս. Յովսէփ Արիմաթիացիի անունով եկեղեցի կառուցած են Ռեմլէի մէջ և աւանդավէպ յօրինած Արիմաթիացիին և Նիկողիմոսի շուրջ:

3. Խաչակրաց եկեղեցիները Ռեմլէի մէջ.

Խաչակիրները 28 Մայիս 1099ին Ռեմլէ և Լիւզ հասան. բուն լոր մերձաւոր դրացիները և տեղւոյն բնակիչները փախուստ տուին. վասն զի անոնք չէին կրնար պաշտպանուիլ: Լիւզի մէջ (Լիւզդա, Դիոսպոլիս) Յուստինիանոս հոյակապ եկեղեցի մը շինել տուած էր Ս. Գէորգի գերեզմանին վրայ. թշնամին քանդած էր զայն այրելով տանիքին մեծ գերանները. նոյն եկեղեցիին շինութեան աշխատած էին ընտիր քարահատներ: Անապատացեալ երկու քաղաքները զրաւուեցան. նախ կողոպտեցին զանոնք, յետոյ հոն հաստատեցին Ռուէնի բնիկ Բոպէրզ լատին եպիսկոպոսը: Ռամլէն, կ'ըսեն Gestes des Ciprois, մեծ և հարուստ եպիսկոպոսութիւն մ'էր. անոր ժողովուրդը Երուսաղէմէն աւելի բարգաւաճ վիճակ մը ստացած էր մշակութեան և հիւսուածեղէնի պարապելով: Ի փոխարէն ռազմական դիրքը շատ վտանգաւոր էր, և Պաղատին Բ. 1102ին անոր փորձը առաւ. եթէ իսլամ էմիրնե-